

傷寒論直解卷四

錢塘張錫駒令韶註解

辨陽明病脉證篇

徐旭升上扶
王良能聖欽
叅訂

問曰病有太陽陽明有正陽陽明有少陽陽明何謂也答曰太陽陽明者脾約是也正陽陽明者胃家實是也少陽陽明者發汗利小便已胃中燥煩實大便秘是也

陽明者二陽也太少在前兩陽合明謂之陽明故



南京中醫藥大學圖書館藏

有太少正陽明之病也約窮約也陽明之上燥氣
治之本太陽病不解太陽之標熱合陽明之燥熱
併于太陰脾土之中脾爲孤藏而主津液今兩陽
相鑠陰液消亡不能灌溉困守而窮約也所謂太
陽陽明者是也天有此燥氣人亦有此燥氣燥氣
者陽明之本氣也燥化太過無中見太陰濕土之
化此陽明胃家自實所謂正陽陽明者是也夫汗
與小便皆胃府水穀之津少陽相火主氣若發汗
利小便則相火愈熾而水津愈竭故胃中燥實而



大便難火盛則煩所謂少陽陽明者是也○陽明有太少正三者之分以陽明從太少而生也

陽明之爲病胃家實是也

此復申明正陽陽明之爲病也正陽陽明者陽明之本氣也本氣者燥氣也燥氣盛于上則胃家實于內故言陽明燥氣之爲病胃家實是也


○問曰何緣得陽明病答曰太陽病若發汗若下若利小便此亡津液胃中乾燥因轉屬陽明不更衣內實大便難者此名陽明也



此承上章太陽陽明病而言也蓋太陽之津液生
于胃府水穀之津太陽病若發汗若下若利小便
皆所以亡胃府之津液也津液亡故胃中乾燥因
而轉屬於陽明遂不更衣陽明內實大便難者此
太陽轉屬陽明而名陽明也○古人大便秘必更衣
故不更衣爲不大便也

問曰陽明病外證云何答曰身熱汗自出不惡寒反
惡熱也

夫陽明之氣亦從胸而出于膚表故又問外症云



何身熱者陽明燥熱之氣蒸蒸而發也汗自出者
陽明水穀之津溱溱而出也陽明之上燥氣主之
故不惡寒反惡熱也

問曰病有得之一日不發熱而惡寒者何也答曰雖
得之一日惡寒將自罷卽自汗出而惡熱也

此承上文而言不惡寒反惡熱者陽明病也今有
得之一日不發熱而惡寒者乃病邪在表而未化
熱也然雖得之一日寒將罷而化熱故卽自汗出
而惡熱也



問曰惡寒何故自罷答曰陽明居中土也萬物所歸無所復傳始雖惡寒二日自止此爲陽明病也

此復設問答以明惡寒自罷之故也陽明位居中土爲萬物之所歸凡內外之邪皆可入于陽明一歸中土無復出理故無所復傳于別經也始雖惡寒者以一日在表表氣通于太陽也二日陽明主氣正邪之氣俱歸陽明故惡寒自止此爲陽明病也○此借問答以明陽明之無所復傳非若別經之有復傳也



本太陽病初得病時發其汗汗先出不徹因轉屬陽明也傷寒發熱無汗嘔不能食而反汗出濇濇然者是轉屬陽明也

上文歷言陽明本經之自爲病此復申明太陽轉屬陽明之義以見陽明有自病轉屬之不同也上文言亡津液而轉屬此言汗出不徹是不必亡津液而亦能轉屬也傷寒發熱無汗者病在太陽也嘔不能食者胃氣不和也不因發汗而反汗出濇濇然者動其水穀之津也水津外泄則陽明內虛

是以轉屬於陽明也王繹堂問曰亡津液而胃中燥因轉屬陽明固已若汗出不徹津液不亡何以亦轉屬陽明耶答曰汗者陽明之陰液也汗出不徹則陽明燥熱之氣不得隨汗而泄太陽之標熱反內合其燥氣故因而轉屬也

傷寒三日陽明脉大

三日少陽主氣今傷寒三日而陽明脉大者邪歸中土無所復傳故雖三日少陽主氣之期而仍現陽明之大脉也○自此以上六節論陽明之氣主



表而外合太陽主裏而內生津液之義也

○傷寒脉浮而緩手足自溫者是爲繫在太陰太陰者身當發黃若小便自利者不能發黃至七八日大便鞭者爲陽明病也

此二節明陽明與太陰爲表裏之義也夫陽明脉大今脉浮而緩陽明身熱今手足自溫此不在陽明而繫在太陰也太陰者濕土也濕熱相併身必發黃若小便自利者濕熱得以下泄故不能發黃夫繫者虛繫而不實也可繫于此而亦可繫于彼



南京中医药大学图书馆藏

傷寒正角 卷四 五
至七八日陽明主氣之期亦可繫于陽明故大便
鞭者爲陽明也以見太陰陽明之氣相爲表裏而
太陰陽明之邪亦可交相爲繫者也
傷寒轉繫陽明者其人濺然微汗出也

此承上文大便鞭爲陽明病而言也言太陰之傷
寒轉繫于陽明不特其人大便鞭而且濺然微汗
出也

（○）陽明中風口苦咽乾腹滿微喘發熱惡寒脉浮而
緊若下之則腹滿小便難也



此言陽明之氣不特與太陰爲表裏抑且中合于少陽外合于太陽也陽明中風不涉于本氣之燥化而涉于少陽之熱化故口苦咽乾復涉太陰之濕化故腹滿微喘又涉太陽之寒化故發熱惡寒以風邪而入于裏陰故脉緊復外合于太陽故浮而緊浮宜外解若下之則太陰脾土不能轉運而腹滿如故少陽三焦不能決瀆而小便難也

○陽明病若能食名中風不能食名中寒

夫胃爲水穀之海倉廩之官故此三節以食而論



陽明之氣焉胃爲陽土風爲陽邪以陽邪而傷陽
兩陽相得故能食寒爲陰邪以陰邪而傷陽陰寒
閉隔故不能食○風能鼓動陽明之氣故能食寒
能閉拒陽明之氣故不能食

陽明病若中寒者不能食小便不利手足澀然汗出
此欲作固瘕必大便初鞭後溏所以然者以胃中冷
水穀不別故也

此論陽明中寒陰寒甚而不得本氣燥熱之化也
蓋言陽明病若中寒者不但穀不消而不能食抑



且水不化而小便不利也四肢爲諸陽之本胃陽
虛津液泄故手足澌然汗出固固冷也痙痙聚也
言沉寒固冷欲假氣成形而作痙聚也初鞭者燥
氣主之也後溇者寒氣乘之也所以然者以胃中
冷穀不消而水不化水穀不別故也

陽明病初欲食小便反不利大便自調其人骨節痛
翕翕如有熱狀奄然發狂澌然汗出而解者此水不
勝穀氣與汗共併脉緊則愈

此論陽明中風陽氣甚而不得少陰之癸水以濟

之也陽明病初欲食者陽氣甚也夫病在陽明小便當利大便當燥今反不利而自調者津液尚還入于胃中但不得少陰之癸水以相合也少陰主骨節少陰不得上合于陽明故其人骨節痛翕合也兩火合併而爲陽明故翕翕如有熱狀也奄忽也澼汗出貌言忽然發狂澼然汗出而解者此少陰癸水之陰氣不勝陽明穀神之陽氣與汗共并于中故奄然而澼然也脉緊則愈者緊則爲陰陰氣復而陽氣平戊癸合矣



陽明病欲解時從申至戌上

此言陽明病解之時作一小結也日晡而陽氣衰陽明之所主也陽明旺於申酉二時病氣得天時之助而解故欲解時從申至戌上也

○陽明病不能食攻其熱必噦所以然者胃中虛冷故也以其人本虛故攻其熱必噦

此章凡三節論陽明中氣虛寒食氣入胃不能淫精于經脉輸精于皮毛而爲病也此言中氣虛寒也夫胃氣實則能食虛則不能食今陽明病不能



食者胃氣虛也反攻其熱既虛且寒故必噦噦者
呃也所以然者以胃中虛冷故也又申言人以胃
氣爲本其人本虛者胃氣虛也故攻其熱必噦
陽明病脉遲食難用飽飽則微煩頭眩必小便難此
欲作穀瘕雖下之腹滿如故所以然者脉遲故也

此言胃氣虛不能淫精于經脉也本經曰傷寒三
日陽明脉大今陽明病脉遲者經脉不能稟氣于
胃也經脉別論曰食氣入胃濁氣歸心淫精于脉
脉氣流經是食由胃而歸于心由心而淫于脉流

于經也故食氣散達於經脉之中自不厭其飽若
不能散達俱留滯于胃故食難用飽飽則濁氣歸
心不能淫于脉流于經故微煩也不但此也不能
循經而上行則頭眩不能循經而下行必小便難
不能循經而留于中則欲作穀瘕瘕黃也此胃氣
不能橫充而旁達故雖下之而腹滿如故所以然
者以胃虛不能淫精于經脉脉遲故也

陽明病法多汗反無汗其身如虫行皮中狀者此久
虛故也

